

勺湖志卷一

題詞

北西湖詞奉題勺湖志

淮安曹鍾昌明甫



淮陽煙景比錢塘挂眼青山是女牆南北高城峯勢
遠水雲片片數西方

書院西鄰太乙宮西湖書院即湖心亭子納南風長

橋記卧滄波上安得如虹比跨虹

官遊不記幾春秋愛住杭州抵楚州余以壬子秋司理故鄉甲寅遷

杭一樣六橋分內外望經閣比望湖樓白湖迤東為縣亦有六橋望湖樓在西湖之外湖久已就圯矣

拳山白水艇如瓜西望湖濱塔影遮欲比雷峯看夕

照賞心美景屬荷花文峯塔亦在勺湖南岸

綠楊幾樹正當門蘇小春情孰比倫多少荒墳松柏

下不知何處月香魂魯通甫先生詩淮南女兒名月香喚來尊前彈履霜係遊勺湖事

西北高樓近釣臺韓侯更比岳王哀漁釣直肖精忠

柏欲折雄心百不回

清芬自古有連漪循吏聲名百世知為問淮安賢制

府風流還比白蘇祠蔡公祠

前朝寺觀復餘幾不見殘僧空數教若把三城比三

竺圓明靈隱畧依稀

昔賢曾著西湖志明田汝成撰有今代西河善屬辭
從此江南與江北山公都作習家池

奉題勾湖志

合川唐言伯仙

先賢祠廟半荒涼無限波光照夕陽桃李舊分佳子弟山川今煥好文章
款春有畫餘陳迹記事連珠憶故鄉先生編此志削草時方客重慶縱使黃塵更清水不教人世問滄桑

奉題勾湖志

已縣燕翼子才

先生詞賦多蕭瑟不買歡娛止買憂滄海橫流收一勾小山招隱足千秋
負于法亮羞謀地病與相如共

倦游為問夢門風月夜

時同客郭家湖畔孰清幽

勾湖志目

- 總叙 第一卷
書院 第二卷至第八卷
園林 第九卷
祠廟 第十卷至第十二卷
廟賢 第十三卷
藝文 第十四卷至第十五卷
叢記 第十六卷

都十六卷附一卷嗟乎昔時展展今日荆榛我生之初猶存孺生機益感勝境彌

湮不述前聞曷論來者集茲羣腋治為一爐記浴下之名園編武陵之舊事既羅掌故益喟盛衰文獻堪徵不改荆楚歲時之俗滄桑屢易聊臚長安陌巷之名綴緝未終款款不置矣舊歷乙卯八月初三日江都毛乃庸編寫訖時寓已縣客邸

勺湖志卷一

總叙

勺湖一名郭家池一名郭家蕩一名郭家湖一名王家湖一名放生池一名女兒湖在江蘇淮安城內西北隅西及北均抵城垣東限萬壽橋一名史與城河通

面積占城十一而不足其始無可考邑人阮葵生茶餘客話謂唐時地即極盛趙嘏詩所謂城礙十洲三

島路寺臨千頃夕陽川者彷彿指此然無確證宋時始見著錄稱王家池徐積有詩見藝文門元為菱田龍興寺僧

郭法亮乞諸其條以贖二親池中故有墩法亮親殯即瘞其地故池與墩又均蒙郭家之名明季淮安推

官袁彭年字德卿公安人進士崇禎中任四面築隄嚴捕魚之禁由是號為放生池久之禁弛隄亦圯順治中漕督蔡士

英見祠廟門條復修隄造牆崇今牆久湮沒重中前禁蔡公祠條建閣墩上以奉大士名之曰大悲閣

金湖浪墨

黃鈞宰

大悲閣高五丈宛在水中相傳水大則閣與俱浮木當沒其趾也閣之東為老君殿而蔡公祠及諸蘭若當其南達以長橋蜿蜒如虹環城如平岡卧嶺樓台



錯落水木清華郡人遊憩于是焉在五月既望劉琴白程獻青家庶春以予二十初度買舟載酒而往四面芙蓉香風馥郁紅妝素服綽約臨波有境如蓬島三山外身在蓮花萬朵中之句飲未半雷雨西來涼生襟袖雖敗興殊適體也

甲戌中秋前三日同養正泛舟城西隅放生池登大悲閣玩月風潭百頃雲淨天空喜而賦

沈香二韻

蔣 楷

月起滄洲外空明萬里心虹橋飛百尺雄堞繞千尋地僻漁樵斷林疏殿閣深恍疑天上坐漸覺眾星沈魄帶三分缺宵添一綫長自注是日夜長六刻蓬壺浮水鏡蘭舫載天香獨登袁宏詠高飛庾亮觴廣寒歌舞散應耐羽衣涼

踞蹠餘話

段朝端

城內西南隅烟水渺瀰最為遊賞勝地在宋名萬柳池明時號雲水清環邑志有朱之蕃遊雲水清環同彬子劉郡伯飲詩注雲水清環即天妃宮志文有李天授游雲水清環詩是雲水清環在天后宮一帶無疑乃郡人忽于西北隅蔡公祠側壁上顏以雲水清環四字未免迷方失向矣

前題

前人

郭家池乃元時龍興寺僧郭法亮乞寺後菱田養其
二老後人因名為郭家墩見龍興寺碑陰明司李袁
彭年於此放生改名放生池順治庚子總漕蔡士英
就墩建大悲閣聯以板橋俗名蜈蚣橋象形也舊志
古蹟已云今漸傾圯子兒時刺舟過其地荒草沒逕
橋無片板惟樁木尚存光緒中何俊卿舍人銳意重
修勸募經年始復舊觀顏其橋曰如虹夏時聞有人
觴客于此不三五年漸就零落橋板為鄰近盜竊盈
盈一水又可望而不可及

冬日游大悲閣

魯元壽

策杖迂回過板橋大悲高閣勢凌霄風寒殿北冰先
合日淡城陰雪未消殿院鶴鳴三鼓月閉門僧定五
更潮茫茫不辨來時路但見白雲空際飄

初夏月夕同周霽侯漢昭邱汝紹蓋書念祖通

求飲放生池閣上

劉沁區

良宵何地不堪遊樹隱紅橋覺更幽最是清池宜皓
月故應高閣似深秋蕭蕭檻外侵蒲葦宛宛尊前宿
鷺鷥莫挂煙帆五湖去只令城市有滄洲
涼生夜永促回舟坐愛空明為小留楊柳拂隄濃露

滴茅茨隔岸薄煙收漸看塔影移西郭遙聽鐘聲動
北樓風月正佳人欲散清光虛負郭池頭

大悲閣

徐日昇

到此探幽勝緣橋曲檻長水雲環淨域花雨散空香
寶筏留初地塵容愧梵王葦葭雖渺渺彼岸是慈航

大悲閣步赤如日昇叔韻

徐初

龍興禪院後虹影卧波長一徑柳垂陰四圍蓮遞香
煙雲開勝境風月屬空王最愛客裏客招涼繫野航

十二夜大悲閣觀孟蘭會

毛夢蘭

秋草芊芊半野墳幾人地下果修文生前久受揶揄
苦未必重泉轉重君

年年兒女採蓮花拜佛歸來月已斜獨抱秋心人不
識在家僧久作浮家

蕭齋秋意送宵涼露溼流螢漾碧光卻憶玉門關外
路夜深燐火滿沙場

午日遊大悲閣

徐登鰲

崔嵬傑閣倚城隈競渡靈旂擊鼓催一面夕陽三面
水游人都過小橋來

游大悲閣晚歸

丁壽昌

蕩槳宵歸涼影澈菰蒲經雨綠層層蛩聲競促荒郊

大悲閣納涼遇雨

前人

到此渾忘暑垂虹碧浪中
堦空先受月水潤自生風
靜極僧居遠浮多客舫通
荷送響急雨打孤蓬

大悲閣

陳雲三

何年孤嶼開梵宮宛如複道須行空
四圍綠水藕花月十丈紅橋楊柳風
自注甘泉毛秋伯先生句老衲送迎成乞相
游人多少踏長虹郡城三里禪居百無數
亭臺似畫中

大悲閣

傑閣拂雲漢登臨人在空
春烟楊柳綠新月藕花紅
徑履千年蟠橋眠十丈虹
風蓑兼雨笠來往有漁翁

子上招同諸子飲留雲道院并游古靈慈宮訪

惜陰書院故址次日笏林復招飲勺湖游龍

興寺大悲閣即事賦二十韻 徐嘉

曳響連未消甘谷酒重訂勺湖船
襍俎驚成式多聞愧茂先
一航浮荻潏十院話菱田
蒲稗依叢密荃蘅采靜妍
澄清今叔度淹邃古夷堅
會際王裴迹碑尋宋魏年
深談成臘畧豪軟致騰
審帆影河橋駐鐘聲

塔寺懸激軒諸籟寂

自注奎文書院西齋名激軒初月吐娟娟

題大悲閣圖

楊嘉譽

披圖恍聽棹歌聲風景天然畫不成
莫是前宵明月好樓臺移照到蓬瀛

紅橋碧樹遠含情波影烟光辨不清
是否阿嬌船上坐藕花衫子尚分明

高閣飛空敞畫楹

四圍碧水白蘋生接天蓮葉渾無路
留住扁舟不放行

自笑詩狂浪得名

此身已似一舟輕欲來圖上尋涼夢
好與閒鷗踐舊盟

查看完整版

付费下载



【百万古籍库】

<https://www.fozhu920.com/list/>

【易】【医】【道】【武】【文】【奇】【画】【书】

1000000+ 高清古书籍

打包下载





【风水】风水命理资料合集_9500 本

阴宅阳宅、风水堪舆、八字命理、手相面相、符咒卦象、奇门遁甲、紫微斗数.....



【中医】中华传统医学资料大全_15000 本

针灸、推拿、正骨术、汉医、苗医、民间秘方偏方、药洒药方、祖传医术、珍本...



【道术】道家法术\茅山术\符咒术\气术_3000 套

修真秘籍、丹道、道家秘术、胎息功、内丹术、茅山法术、道家符咒、巫术、...



【武术】传统武术与现代搏击术_6200 册

少林、武当、太极拳、形意拳、八极拳、咏春拳、气功、散打、格斗、拳击、...



【集藏】经史子集库_13300 卷

【经史子集】楚辞、汉赋、诗集、词集、宝卷、正史、编年、别史、纪事本末、地理志...



【国画】传世名画 _ 6100 卷

唐、金、辽、宋、元、明、清 800 多位画家近 6000 多幅传世...



【县志】方志\地方县志\乡志\地理志_8100 册

府志、区志、乡志、地理志..... 此合集为全国范围地方县志\府志古籍影印电子版，...



【国学】中华古籍库—32 万册古籍书

32 万册《中华古籍库》 【32 万册影印古籍 + 20 多亿字，带检索器和阅读工具】 包括各地方志、日本内...

【更多】 >> <https://www.fozhu920.com/list/>